

ՄԻԱԿ ՃԱՆԱՊԱՐՀ

ԼԵՒՈՆ ՄԱՆՈՒԷԼԵԱՆՅԻ

Արդէն որոշեալ է իմ ճանապարհ,
Որով գընում եմ աներկբայ հոգով.
Որքան էլ դժուար լինի ինձ համար,
Ես պիտի երթամ իմ ընտրած շաւղով:

—Անփօրձ պատանի,—մի ձայն եմ լըսում,—
Փոխի՛ր տատասկոտ փըշոտ այդ ուղին.
Շուտով քո առջև անդունդ է բացւում,
Ուսի՛ց վերադարձ չը կայ անցորդին: —

Ես պէտք է երթամ, թէկուզ և իմ բեռը
Սուրբ խաչի նըման ծանրանայ մէջքիս.
Ես պէտք է երթամ, ուր որ իմ քայլերը
Տանելու լինին թըշառականիս:

Մօսկա. 1886 թ.:
